

John F. Johnson

for Kingston

for Kingston

QUESTIONES LEXICOLICAE

DE EPITHETIS HOMERICIS

αἰδοῦλος, ἐπηετανός, ἀσπασίος, ἀάατος.

Scipsit

Dr. J. Savelsberg

AQUISGRANI

apud Benrath et Vogelgesang.

MDCCCLXI.

1851

DE EPITHETIS HOMERICIS

αἰδῆλος, ἐπηετανός, ἀσπασίος, ἀάατος.

Studia textus Homerici constituendi a F. A. Wolfio praeclare instituta atque per decem inde lustra a multis editoribus usque ad I. Bekkerum naviter continuata tum copiis criticis auctis tum veterum grammaticorum subsidiis collectis et in usum conversis propter splendidum eventum ita praevaluerunt, ut exegetica studiorum Homericorum pars hoc quidem tempore vix aequaliter procedat atque illa critica. Verumtamen altera alterius auxilio quam maxime indiget et coniuncta demum utriusque opera ad principem poëtarum recte intelligendum pervenitur. Ut enim genuinam textus formam indagasse iuvat, ita ex iusta interpretatione, qua verus sensus summi poëtae nobis aperitur, maiorem voluptatem nos percipere consentaneum est. Quantum autem accurata interpretatione verborum poëticorum vel reconditorum praestari possit ac debeat, documento sunt praeclarae illae quaestiones, quibus Buttmannus Nitzschius Naegelsbachius Doederlinus Lobeckius Lehrsius Lucas Duentzerus Ahrensius multas voces Homericas illustrarunt. Eorum vestigia presserunt G. Curtius Friedlaenderus A. Goebelius alii, qui Homero interpretando cum magno fructu dediti novas spes et eas laetissimas excitant. Permagnus enim est numerus vocum Homericarum, de quarum significatione et origine nihil certi constat. Ex quibus si tres quatuorve tantummodo ita illustrare mihi contigerit, ut earum conformatio et significatio e caligine in lucem vocata appareat, datae huic occasioni scribendi me non defuisse magnopere gaudebo.

Vix ullum aliud epitheton Homericum tam multas tamque varias virorum doctissimorum explicationes expertum est quam

ἄιδῆλος.

Ut cum Buttmano pro ea, qua inter Homeri commentatores suo iure praepollet, auctoritate incipiam, in hac voce explicanda ille quaestionem bene quidem institutam tamen ad liquidum non perduxit, quippe qui de significatione eius nonnunquam dubius haeserit nec vocabulum ad certam originem revocaverit. Optime quidem ad varias vocabuli epici *αἰδῆλος* significationes perscrutandas in Lexilogo I p. 247 ab usu epithetico *πῦρ αἰδῆλον* Il. II 455. IX 436. XI 155 exorsus hoc ignis epitheto vastandi quandam vim indicari statuit, deinde cum homines atque dii hac voce designentur, ex his Mars *αἰδῆλος* audiat V 897. Od. VIII 309 pariter ac Minerva

Il. V 880, ex illis turba procorum *αἰδηλος δμῖλος* Od. XVI 29. XXIII 303 et Melanthius, qui procis arma subministrat, Od. XXII 165 *αἰδηλος ἀνὴρ* vocetur, denique Achilles Il. XXI 220 *αἰδῆλως* trucidare dicatur, inde colligit Buttmannus huic voci universe sensum perniciosi inesse, qui solus omnibus locis accommodetur. At vero *ἔργ' αἰδηλα* locutionem epicis poëtis communem alio apud Homerum, alio apud Hesiodum sensu intelligendam esse statuit, apud illum Martis *ἔργ' αἰδηλα* Il. V 757 res perniciosas, in Hesiodi fragmento apud schol. Pind. P. III 14 (et 48): *ἔργ' αἰδηλα* quae corvus Apollini nuntiat, scilicet Ischyn Coronidi vim attulisse, non perniciosas, sed occultas clandestinas res esse censet veterum lexicographorum interpretamento aliquo *αἰδηλα* *αἰδῆλα* adhibito. Sero temptata iam grammatica explicatione (p. 250) eo inclinatur, ut significatum perniciosi in latiore sensum impii nefarii transiisse concedat, ut *ἔργ' αἰδηλα* res nefarias et apud Homerum et apud Hesiodum denotent, praeterea *μωμεύειν αἰδηλα* verba Hesiodi Op. 754 valeant (sacra) in ludum impium vertere. Quemadmodum Buttmannum de varia huius vocis significatione adeo fluctuantem videmus, ut eius rei arbitrium suo cuiusque iudicio permittat, sic etiam grammatica quam proposuit explicatio omni fundamento caret. Docet enim *αἰδηλος* compositum esse ab *α* privativo et *ιδηλός* adiectivo quodam ficticio, quod ad exempla *μιμηλός*, *σιγηλός*, *ἀπατηλός* formatum fingit ineptissime. Horum enim adiectivorum significationem activam imitantis, silentis, decipientis hominis primum in passivam detorquet, qua cum negatione *α-ιδηλος* significet invisibilem, deinde ut perniciosi notionem cum hac coniungat, passivam rursus in causativam *invisibile reddentis* notionem abiisse sumit, quod quamvis insolitum esse ingenue fateatur, tamen nobis probabile reddere studet cum ad vetustiore quendam linguae usum provocando, de quo ultra Homerum nihil certi augurari licet, tum vero rationem illam ab *ιδεῖν* derivandi in vulgus receptam iactando, quasi ea re accuratior investigatio praecedatur.

Ad duas istas difficultates tertia accedit, quod *ιδηλός* illud ficticium, unde *αἰδηλος* compositum esse ille dicit, ne forma quidem aptum est ad *μιμηλός*, *σιγηλός*, *ἀπατηλός*; haec enim a *μιμέομαι*, *σιγάω*, *ἀπατάω* descendunt, illud vero non ab *ιδέω*, sed ab *ιδω* themate (vel si digamma restituas, *Φίδω*, *Φίδοιμι*, *Φιδέ*, *Φιδών*), a quo si unquam *ιδηλός* exstisset, id bis-syllaba terminatione ampliatur esset, cuius generis nullum apud Homerum exstat exemplum. Vides quam lubrico fundamento nitatur ista originatione, quam adhuc viri docti tantum non omnes tuentur.

In reliqua dissertationis parte, qua Buttmannus uno loco Il. II 318 pro volgata lectione *ἀριζήλον* alteram *αἰδῆλον* Homero sagaciter, sed timidius quam decebat, vindicare conatur, hoc *αἰδηλος* iota longo ab usitatore illo, quod antea in quaestione versabatur et cuius iota Homerus corripit, plane diversum et unicum exemplum esse contendit, quo invisibile significetur, formam ex *αἰδέλος* natam esse autumans ut *ὑπερείσιος* ex *ὑπειρέσιος*. Ut hoc exemplum metatheseos verum esse concedamus, tamen ad *αἰδηλος* non quadrat, quia tertia huius vocabuli syllaba non item corripitur prout secunda producitur. Sed universe illud discrimen ob syllabam semel productam statui non magis licet, quam si quis *ἀάατος* vocabuli tertio *α* semel producto Il. XIV 271 contra bis correptum Od. XXI 91. XXII 5., vel *Ἄρες Ἄρες* Il. V 31. 455., aut *ἀρίγνωτος* vocabuli iota semel correpto Od. XVII 375 ad discrimen inter binas formas statuendum uti velit, cum re vera poëta metri gratia nunc hanc nunc illam sibi sumpserit

licentiam. Itaque tametsi *αἰδηλον* Il. II 318 a Buttmano restitutum infra comprobabimus, tamen originis idem esse demonstrabimus quod *αἰδηλος* (---) epitheton illud usitatum. Speciosior quidem sententia Lobeckii esse videtur, qui Pathol. el. p. 530 *αἰδηλος* ab *αἰδής* ut *αἰδέλος* ab *αἰδέης* derivatum voluit et Doederlinum habuit sibi assentientem (gloss. Hom. II p. 5.), sed haec via iam antea temptata cum Buttmano derelinquenda est non solum propter disparem accentum nominum similium *υδρηλός* *υπνηλός*, sed maxime propterea quod *αἰδηλος* ab *αἰδής* mirum quantum discrepat significatione, quam Buttmannus comparatione locorum naviter perscrutatus est, Lobeckius haud satis curavit.

Si omnes istas angustias respicimus, facile in eam sententiam impelli possimus, *αἰδηλος* vocem ab alia esse profectam origine, cuius memoria forsitan interciderit. Verumtamen non prorsus desunt originis vestigia atque eo ducunt ipsa veterum interpretamenta, quae inter multam farraginem nonnihil bonae frugis praebent. Etenim postquam Merckelius illa in prolegomenis ad Apollon. Argon. p. CLXXII diligenter collegit, spicilegium haud inane nobis reliquit, ad quod iam transibimus.

Praeter Methodium *αἰδηλος* ex *α* privativo et *ιδηλός* compositum esse statuentem (ap. Etym. m. 41, 40), quem Buttmannus tacitus secutus est, illam vocem interpretantur *αδηλοποιός* Aristonicus apud Etym. m. p. 41, 37, Apollonius Sophista p. 17, 29, Porphyrius apud schol. Il. XI 155, scholiasta Od. XVI 29; — *φθοροποιός* schol. Il. V 872; — *τὸν τοῦ φθαρῆναι καὶ ἀπολέσθαι αἴτιον* schol. Od. XVI 29; — *ὀλοθρευτικός, ὀλέθριος* Etym. m. p. 41, 36. 39.; — *ὀλέθρον ἄξιος* schol. Od. XXII 165; — *μεγαλόδηλος* incertus auctor reprehensus a Porphyrio ap. schol. Il. XI 155, qui Sexti cuiusdam commentum *τὸ ἐξ ἀδήλου ἐμπεσόν* comprobat; — *ἀπὸ τοῦ αἰδνὸν τὸ σημαῖνον τὸ ἀφανιστικόν, διὰ τοῦ ι, αἰδνόδηλος, καὶ κατὰ συγκοπὴν αἰδηλος* Choeroboscus ap. Etym. m. p. 41, 41 sqq. et in Epimerismis Crameri p. 19, 21. cf. schol. Vict. ad Il. II 455; — *αδηλον, ἀφανές* Apoll. Soph. p. 16, 28 ad unum versum Il. II 318. cf. Hesych. I p. 144; — denique Herodianus ap. Etym. m. p. 41, 45 sic derivans: *ζῆλος, ἄζηλος, πλεονασμῷ τοῦ ι καὶ τροπῇ αἰδηλος*, iam ex magno commentatorum recensu statim videmus via et ratione carere Herodianum pleonasmo perquam fallaci et mutatione inaudita ¹⁾ *αἰδηλος* ab *ἄζηλος* repetentem, Sextum notionem cadendi *τὸ ἐξ ἀδήλου ἐμπεσόν* temere ingerentem, Choeroboscum *αἰδηλος* extorquentem ex *αἰδνόδηλος* ineptissime ficto, ne dicam monstruoso ²⁾, quod ad singulos locos Homeri adhibere non operae pretium est. Has igitur interpretationes missas facientes reliquarum maximam partem *αδηλοποιόν, φθοροποιόν, ὀλέθριον* et similes convenire videmus in notionem perniciosi, nisi quod scholiasta Od. XXII 165 Melanthium caute *ὀλέθρον ἄξιον*, exitio dignum, potius quam perniciosum declarat. Sed multo maioribus difficultatibus Buttmannum teneri vidimus in concilianda illa notione cum Homericis Hesiodeique usus varietate. Aristonicus, Apollonius Sophista, Porphyrius vel etyma ipsa sciscitari et *αἰδηλον* cum *αδηλοποιόν* aequiparando hoc indicare mihi videntur, *α* privativum assumpto *ι* pleonasmo in *αἰ*

¹⁾ Nunquam enim ζ in δ vertitur, sed e contrario e δ: conflatur ζ quae est consonans duplex. Cf. G. Curtii gram. Graec. §. 34. 58.

²⁾ Cuius vocabuli, si unquam exstisset, propria vis fuisset perniciosè conspicuus (II).

evasisse et alteram partem *δηλος* in notionem causativam *δηλοποιός* abiisse, quem explicandi modum, siquidem haec eorum mens erat, neque argumentis neque exemplis munire poterant.

Unam *πυρός αἰδήλον* interpretationem *μεγαλόδηλον* auctoris incerti a Porphyrio reprobata (vide supra) nemo adhuc memoratu dignam existimavit, quamquam ei non omnino assensores defuisse videntur. Etenim quod ad sensum quidem attinet, eodem redit quod Eustathius semel ad Il. II 455 τὸ πῦρ αἰδήλον interpretatur *πολυφανές*. Certe uterque particulam intensivam inesse indicat, quae Eustathio est *α*, cum *αἰδήλον* παρὰ τὸ ἰδεῖν ducat, alteri *αἰ*, quippe cum *αἰδήλον* explicet *μεγαλό-δηλον*. Sed Eustathium *ιδηλόν* falso supponentem vincit auctor anonymus, ex cuius interpretatione *αἰδήλον* idem valet atque *ἀρίδηλον*.

Profecto haec interpretatio optime adhiberi potest loco multum disceptato Il. II 317—319, dummodo ibi v. 318 *αἰδήλον* lectio maiorem fidem habeat quam *ἀρίζηλον*. De varia lectione postmodum disputaturi interim volgatam apponimus:

αὐτὰρ ἐπεὶ κατὰ τέκν' ἔφαγε στρουθοῖο καὶ αὐτὴν,
τὸν μὲν ἀρίζηλον θῆκεν θεὸς ὅς περ ἔφηνεν·
λαῶν γὰρ μιν ἔθηκε Κρόνου πάϊς ἀγκυλομήτεω.

Tertium versum, quo draco in saxum mutatus esse narratur, genuinum esse utpote auctoritate Aristotelis (schol. Ven. ad Il. II 305 ¹), Zenodoti (ibi ad v. 318), Ciceronis de divin. II 30, Ovidii Met. XII 23 firmatum, hodie nullus est qui ambigat, nec magis in dubium vocari potest quin sensus sit: *Deus draconem conspicuum reddidit in saxum conversum*, cui portento simillimum postea illud fuit cum Neptunus navem Phaeacum, qua Ulysses domum redierat, probante Iove in saxum converteret Od. XIII 156 (*λίθον-νηῦ θοῖ ἔκελον*). Iam inter varias lectiones *ἀρίδηλον* Zenodoti, *ἀρίζηλον* nescio cuius, *αἰζηλον* codicis Ambrosiani, *αἰδήλον* Apollonii Sophistae quae genuina sit si quaeritur, nulla alia certe tam facilem ad mutandum ansam praebere poterat quam *αἰδήλον*, de cuius significatione non liquebat. Equidem Zenodotum leni mutatione *ἀρίδηλον* sensum *conspicui* expeditiorem reddidisse puto hac forma suis temporibus vulgari proposita, alii vero propter iota uno hoc loco productum audacius *αἰζηλον*, alii Zenodotum corrigentes *ἀρίζηλον* scripsisse mihi videntur. Itaque varias lectiones ex communi fonte *αἰδήλον* manasse verisimile est. Iam huius vetustioris lectionis testes produco Apollonium Sophistam p. 16, 28., Choeroboscum apud Etym. m. p. 41, 44., Ciceronem, qui in huius loci interpretatione (de divin. II 30):

Qui luci ediderat genitor Saturnius, idem
abdidit et duro firmavit tegmina saxo.

verbo „*abdidit*“ se *αἰδήλον* θῆκεν legisse et haec verba pro *αἰδήλον* ἐποίησεν accepisse manifesto indicat, in quem errorem, si *ἀρίδηλον* vel *ἀρίζηλον* legisset, incidere non potuit. Itaque et probabilibus artis criticae rationibus et certis testimoniis *αἰδήλον* genuinam lectionem esse evincitur, id quod iam Buttmannus probare etsi timidius temptaverat ²). Neque tamen *αἰδήλον*,

¹) Duentzer de Zenod. studd. Hom. p. 157.

²) Buttmannus *αἰδήλον* ad Aristarchum refert auctorem, sed is, qui *αἰδήλα* bis loco movit Il. V 757. 872, inprimis illi favisse non est censendus.

quamvis recte revocandum, ideo invisibile denotat, neque I. Bekkerus ἀΐζηλον scribere debebat digamma intrudens nullo adhuc argumento probatum. Immo vero quoniam et contextus requirit ut deus draconem conspicuum reddidisse dicatur, qua ex causa immutationes veterum ἀρίδηλον et ἀρίζηλον natae sunt, idemque Ovidius illos versus imitatus bene expressit Met. XII 22. 23.:

Ille (serpens) ut erat, virides amplexus in arbore ramos,

Fit lapis et servat serpentis imagine saxum,

iam nulla amplius mora est, quin veteri illi grammatico fidem habentes, qui αἰδηλον interpretatur μεγαλόδηλον, huic Iliadis loco genuinam lectionem et verum sensum vindicemus:

τὸν μὲν αἰδηλον θῆκεν θεὸς ὅς περ ἔφηνεν ·

λαὸν γὰρ μιν ἔθηκε Κρόνου πάϊς ἀγκυλομήτεω.

Hunc quidem conspicuum reddidit deus qui ostenderat;

Saxum enim eum reddidit Saturni filius versuti.

Iam ut formae rationem reddam, αἰδηλος non solum idem significat quod ἀρίδηλος ab ἀρι particula intensiva et δῆλος compositum, sed etiam idem vocabulum est dialecto tantum discrepans. Nimirum utramque formam comparantibus nobis hiatus αἰδηλος epitheti epici indicio est inter duas primas vocales consonam intercuisse; cum autem altera forma ἀρίδηλος Dorica dicatur ¹⁾ et Dores etiam in mediis vocabulis σ in ρ mutaverint ²⁾, vocem epicam ρ vel potius σ littera carentem sigmatismi fuga ex ἀσίδηλος ortam esse probabile est. Exhibent hanc ἀσι particulam intensivam plene scriptam glossae ab Hesychio servatae: 1. Ἀσιασκεῖ σκευάζει, *adparat*, 2. ἀσίχηρ δοτικὸς eademque prima syllaba producta ἡσιχερ δαψιλῆς, quibus variis formis homo *magnis sive largis manibus utens* significatur, 3. iterum α in η producto ἡσίπεπον εὐτραφές, *permaturum, percoctum*. Iam vero ἀσι particula, raro quidem integra, in multis verbis compositis varie mutilata deprehenditur, ex quo genere αἶγλη (splendor) et σιγαλόεις (splendidus) vel potius, unde descendit, σιγάλη ³⁾ mutuo inter se auxilio praefixum suum explent; hoc enim capite quidem truncatum est, quo restituto archetypum ἀσιγάλη cognoscitur, αἶγλη vero sibili fuga et syncope ex archetypo contractum apparet ⁴⁾. Ad eam rationem inveniendam viam patefecit A. Goebelius, qui in dissertatione de epithetis Homericis in εἰς desinentibus Vindobonae

¹⁾ Etym. m. p. 142, 19.

²⁾ Ahrens. de dial. Dor. p. 73.

³⁾ Cf. σκιάεις a σκιά, μηχανόεις (ap. Sophocl.) a μηχανή. Ut autem σιγαλόεις et νεο-σίγαλος apud Pindarum OL III 4 a σιγάλη feminini generis nomine proficisci arbitremur, eo nos ducit coniectura praeter αἶγλη etiam simplex nomen γάλη olim existisse, unde verbum denominativum apud Hesychium γεγάλημαι γεγαλήνισμαι διακέχυμαι (*exhilaratus sum*) derivatum apparet; accedit analogia, quod simplex ῥάμφος et compos. σίραμφος (ap. Hesych.) eiusdem sunt generis.

⁴⁾ Ne longus sim, ex multis exemplis aliquot saltem hic strictim commemorentur: ἀτυνηστος C. I. Gr. n. 995, 1656. 6301 cum Ἀρίμνηστος n. pr. ex ἀσίμνηστος, *multum memoratus*, αἰζήος ex ἀσιζήος (ζάω), *valde vegetus, vivax*, inde *adolescens*, ἡΐθεος vel Dorice αἰΐθεος C. I. Gr. n. 3326 ex ἀσίθεος, *valde divinus*, deinde *iuvenis caelebs*, alia, de quibus alio loco uberius exponam, ubi Sanscritum praefixum ati (in atigīvas i. e. *admodum vegetus, vivax*) in comparationem vocabitur.

a. 1858 edita p. 39 in *σιγαλόεις* epitheto vim intensivam *σι* praefixi bene perspectam cum aliis exemplis, tum *Σιδήλη* Ionicae urbis nomine illustravit, quo „*conspiciam ἀριδήλην*“ illam nuncupatam esse statuit. Hoc *Σιδήλη* nomen Ionicum cum nostro de quo agimus epitheto comparatum, quanquam alpha initiali per aphaeresin omisso, tamen sibili, qui in Dorico *ἀριδῆλος* cessit *ο* litterae, in epico *αἰδῆλος* autem evanuit, tenacius fuit, qua re pristina praefixi forma *ἀσι* et archetypon *ἀσιδῆλος* clare perspicitur.

Alteram *αἰδῆλος* vocabuli partem iam veteres commode ad etymon revocarunt. Quod enim scholiasta Ven. ad Il. II 318 explicat *Ἀριζήλον*: τὸν διάδῆλον καὶ φανερόν . γίνεται δὲ ἐκ τοῦ ἀρι ἐπιτατικοῦ μορίου καὶ τοῦ ζῆλος, τὸ δὲ ζῆλος ἐκ τοῦ δῆλος, τὸ δὲ δῆλος ἐκ τοῦ δαλός, ὃ σημαίνει τὸν πεπυρακτωμένον σίδηρον, hoc potiore etiam iure cum de Zenodotea lectione *ἀριδῆλον*, tum de genuina *αἰδῆλον* valet eidem Iliadis loco supra vindicata, quandoquidem *ἀριζήλος* forma ab ipsis veteribus reprobata est, ut a scholiasta Od. XII 453 *ἀριζήλως*] *ἀριδῆλως* · οὐ γὰρ ἐκτέταται ὁ ζῆλος. *Δαλός* autem (torris) una cum *δαελός* Dorica Sophronis et *δανλός* Ionica forma (cf. Schol. Vict. ad Il. XV 421) ab Etymologo p. 246, 35 a *δαίω* (uro) ducitur, cuius participium perf. pass. *δεδαυμένος* cum apud eundem p. 250, 18 e Simonide servatum sit, veram verbi radicem *ΔΑΤ* manifestam reddit. Neque solum *δανλός* eam sequitur, sed etiam Doriensium *δαελός*, quod Lacones paullo accuratius *δαβελός* (vide Hesychium) i. e. *δαφελός* pronuntiabant. Iam cum *δῆλος* adiectivum (olim *δάελος* Hesych. et *δέελος* Il. X 466), quod *conspicuum*, *clarum* designat, a *δαλός* repetatur, nisi verius unum vocabulum erat vario accentu nunc substantivi nunc adiectivi munere fungens, ab eadem certe radice eiusque prima notione profectum est et ab eo, quod in principio *ardentis* notionem habebat, latiore intellectu etiam *lucens*, *clarum* dictum est pro arta quae inter duas istas notiones intercedit ratione. Idem valet de *αἰδῆλος* vocabulo a *δῆλος* composito. Ut enim pergamus inquirere quatenus explicatio nostra cum singulis locis Homericis conciliari possit, vix dictu opus est, conspicui notionem, quamvis certo ex uno loco erutam, tamen non esse pro primaria habendam, ex qua vocabulum ipsum ortum sit. Immo vero *αἰδῆλος* quotiens ignis epitheton est, primario ardendi sensu intelligi licet, praesertim cum non tam lucida, quam vastans quaedam vis ignis illo epitheto apud Homerum describatur:

Il. II 455 ἦύτε πῦρ αἰδῆλον ἐπιφλέγει ἄσπετον ὕλην

IX 435 οὐδέ τι πάμπαν ἀμύνειν νηυσὶ θοῇσιν
πῦρ ἐθέλεις αἰδῆλον.

XI 155 ὥς δ' ὅτε πῦρ αἰδῆλον ἐν ἄξύλῳ ἐμπέσῃ ὕλη.

Quodsi non lucidus, sed flagrans potius ignis silvam incendere et a navibus non defendi aperte narratur, illa *valde ardentis* significatio certissime ad usum translatum pertinet, quo per metaphoram omnibus gentibus communem synonyma vocabula ut Attica *θερμός*, *αἰθων*, Latina *calidus ardens flagrans*, Germanica *hitzig*, *feurig* ad hominem audacem temerarium violentum ferocem protervum designandum abhibentur.

Translate nimirum Mars Od. XIII 309. Il. V 897 *Ἄρης αἰδῆλος* appellatur ob magnum quendam animi ardorem atque impetum. Hoc enim Martis ingenium perspicue ostenditur ea oratione, qua Iuno Il. V 757—764 apud Iovem illius *ἔργ' αἰδῆλα facta fervida, audacia* accusat.

Ζεῦ πάτερ, οὐ νημεσίῳ Ἄρει τάδε Φέργ' αἰδήλα;
 ὅσσάτιόν τε καὶ οἷον ἀπώλεσε λαὸν Ἀχαιῶν
 μάψ, ἀτὰρ οὐ κατὰ κόσμον, ἔμοι δ' ἄχος. οἱ δὲ Φέκηλοι
 τέρπονται Κύπρις τε καὶ ἄργυρότοξος Ἀπόλλων
 ἄφρονα τοῦτον ἀνέντες, ὅς οὔ τινα Φοῖδε θέμιστα.
 Ζεῦ πάτερ, ἥ ῥά τί μοι κεχολώσεται εἴ κεν Ἄρηα
 λυγρῶς πεπληγυῖα μάχης ἔξαποδίσωμαι;

Quibus verbis Iuno minus perniciosa facta quamvis luctuosa, quibus Mars Achivos perdiderit, quam animum eius, quem necando prodiderit, criminatur, quod temere (μάψ) contra fas et legem egerit, quod demens fuerit; ex quibus efficitur eum audacem, temerarium declarari. Contra ea Iuno ab Iove veniam petit ut sibi Martem e pugna fugare liceat, id quod cum scholiasta adnotatu dignum existimo: χαριέντως τὸν νῦν ἀμαρτάνοντα παρὰ γνώμην τοῦ κυρίου κολάζειν οὐκ ἐπιχειρεῖ (cf. schol. ad Il. V 717). Atque Aristarchus, qui ἔργ' αἰδήλα non aliam ob causam mutasse videtur, quam quod perniciosi significatum arbitrario arreptum huic loco non convenire sentiret, ipsa mutatione sua καρτερὰ ἔργα satis clare indicavit ex illius orationis tenore et contextu intelligenda esse *audacia, temeraria facta*, quae vera interpretatio Heynii (tom. V p. 142) ¹⁾ quin etiam valeat de Φέργ' αἰδήλα lectione ab I. Bekkero restituta ²⁾ iam dubium esse non potest.

Eadem ratio est alterius loci Il. V 872—882, ubi Mars vicissim Minervam temeritatis et violentiae accusat dementiam eius criminans et quod iniqua facta ei semper sint curae.

v. 872: Ζεῦ πάτερ, οὐ νημεσίῳ ὄρῳν τάδε Φέργ' αἰδήλα;

v. 875: σοὶ πάντες μαχόμεσθα· σὺ γὰρ τέκες ἄφρονα κόρυνην
 οὐλομένην, ἥ τ' αἰὲν ἀήσυλα Φέργα μέμληεν.
 ἄλλοι μὲν γὰρ πάντες, ὅσοι θεοὶ εἰς ἔν' Ὀλύμπῳ,
 σοὶ τ' ἐπιπείθονται καὶ δεδμημέσθα Φέκαστος·
 ταύτην δ' οὔτι Φέπει προτιβάλλει οὔτε τι Φέργω,
 ἀλλ' ἀνίης ἐπεὶ αὐτὸς ἐγείναιο παῖδ' αἰδήλον·
 ἥ νῦν Τυδέος υἱὸν ὑπερφίαλον Διομήδεα
 μαργαίνειν ἀνέηκεν ἐπ' ἀθανάτοισι θεοῖσιν.

Ibi quod Buttmannus ad v. 872 variam lectionem ignorans volgatam καρτερὰ ἔργα multo aptiorem quam v. 757 esse censet, quod tantum de Diomedis adversus deos audacia (non

¹⁾ Eustathius ad h. l. καρτερὰ ἔργα interpretatur βίαια, ad V 882 paullo disertius: οὐκ ἐπὶ ἐπαίνου κεῖται ἀλλ' ἀντὶ τοῦ βιαστικά, καθ' ὃ καὶ βέλος λέγεται καρτερόν — καὶ λόγος κρατερός ὁ ἀπειλητικός καὶ βίαν δηλῶν.

²⁾ ἔργ' αἰδήλα servarunt Apollonius Soph. p. 16, 31, schol. Ven., cod. Cant. et Harlei. (v. Heyne t. V p. 142), quae lectio eo magis firmatur, quod Tyrtaeus el. 8 (ed. Bergk.) Marti eadem ἔργ' αἰδήλα tribuit et quod hanc locutionem epicam epici infimae aetatis poëtae Apollonius Arg. III 1132. Orph. Arg. 17. 431 nisi ex Il. V 757. 872 ab Homero sumere non poterant. Ceterum I. Bekkerus parum caute scripsit αἰδήλα digamma arripiens.

de perniciosis factis) sermo sit ¹⁾, hoc ipso argumento nitentes nos lectionem ab I. Bekkero ex scholl. Lips. Vict. et cod. Cant. ²⁾ iure restitutam *Ἰέρη ἄτρηλα* interpretandam esse ducimus *temeraria facta* vel *temerariam rationem*, qua Minerva Diomedem ut in deos fureret stimulavit.

Ne autem e contextu solo sensum verborum eruamus argumentis magis minusve opinabilibus, ad *ἄτρηλος* vocis usum metaphoricum testandum adhibere iuvat glossam Hesychii (ed. Alb. p. 146) *ἄτρηλος* *θρασύς*. cf. Suidam ed. Bernh. I part. I. p. 131 et Eustath. p. 399, 37. Hoc adiectivum, nisi dialecto (Aeolica opinor ³⁾) ab *ἄτρηλος* non diversum, ab eadem cum altera Hesychii glossa *δανκός* *θρασύς*...radice *δαν* supra p. 6 demonstrata prodiit ⁴⁾. Quodsi haec nomina cognata *ἄτρηλος* vocis sensum, quem Homeri sermone requiri paullo ante vidimus, egregie confirmant, accedit parilis apud poëtas et scriptores Atticos usus vocabuli *θερμός*, ex quo notionem urendi ad fervidum audacemque hominis animum significandum transferri luculenter apparet. Ita enim *θερμός* usurpatum invenimus apud Aeschylum Sept. 603 *ἔννεσβας πλοῖον εὐσεβῆς ἀνὴρ ναύταισι θερμοῖς*, ubi pio homini opponuntur calidi i. e. temerarii nautae, et Eum. 560 *Γεῶ δὲ δαίμων ἐπ' ἀνδρὶ θερμῷ*, quod scholiasta explanat *θερμοσυγῇ*, i. e. deus irridet hominem qui animo nimis accenso audax facinus perpetrat. Eiusmodi hominum indolem accuratius descriptam invenimus apud Xenophontem Mem. I 3, 9, ubi *θερμοσυγός* et *θρασύς* synonyma alternant: οὐδὲν οὐδὲν Κριτόβουλον ἐνόμιζες εἶναι τῶν σωφρονικῶν ἀνθρώπων μᾶλλον ἢ τῶν θρασέων, καὶ τῶν προνοητικῶν μᾶλλον ἢ τῶν ἀνοήτων τε καὶ ῥησοκινδύνων; Πάνν μὲν οὖν, ἔφη ὁ Ξενοφῶν. Νῦν τοίνυν νόμιζε αὐτὸν θερμοσυγώτατον εἶναι καὶ λεωργώτατον· οὗτος κὰν εἰς μαχαίρας κυβιστήσῃ κὰν εἰς πῦρ ἄλλοιτο. Qua ex descriptione videmus, quo temeritatis *θρασύς* et *θερμοσυγός* procedere sermone communi dictus sit.

Ex tali genere hominum apud Homerum est Melanthius, qui procis arma subministrat Od. XXII 165 sq.:

Κεῖνος δὲ αὐτ' ἄτρηλος ἀνὴρ, ὃν οἶόμεθ' αὐτοί,
ἔρχεται ἐς θάλαμον. σὺ δέ μοι νημερτὲς ἐνίσπες
ἢ μιν ἀποκτείνω, αἶ' κε κρείσσων γε γένωμαι,
ἢ εἰ σοὶ ἐνθάδ' ἄγω, ἵν' ὑπερβασίας ἀποτίσῃ
πολλὰς, ὅσας οὗτος ἐμήσατο σὺ ἐνὶ Φοίῳ.

Hic Melanthium istum, propterea quod procis arma subministret, non ipsum perniciosum dici posse certe odoratur scholiasta, cum *ἄτρηλος* caute explicet *ὀλέθρου ἄξιος*, idemque sentit Etymologus Aristonici interpretationem improbens p. 41, 36: *Ἄτρηλος*] οἶον „κεῖνος δ' αὐτ' ἄτρη-

¹⁾ Lexil. I p. 248: „Dahingegen v. 872 κατὰ τὰ ἔργα . . , wo es keine Variante hat, viel passender steht (?); da nur von den Redheiten des Diomedes gegen die Götter die Rede ist.“

²⁾ Heyne tom. V p. 162.

³⁾ Cf. Ahrens. de dial. Aeol. p. 78.

⁴⁾ *Δανκός* adiectivum radice, a qua *κός* suffixo propagatum est, integram formam *δαν* servavit, quae alterius vocalis in *ἄτρηλος*, alterius in *ἄτρηλος* (Dor. *ἄτρηλος*) iacturam fecisse arguitur, ita quidem ut illud ad nomen simplex *δαῦλος*, hoc ad *δῆλος* (*δαῖφελος*-*δάελος*-*δαῦλος* cf. supra p. 6.) referatur.

δηλος ἀνὴρ“ ὁ δλοθρευτικός · οὐ γὰρ ἄξιος Ἀριστόνικος δηλοῦν λέγων τὸν ἀδηλοποιόν. Sed neuter veram Melanthii naturam perspexit, quam Homerus αἰδηλος epitheto descripsit. Perniciosus quidem non fuit Melanthius, qui brevi postea v. 195 e columna suspensus nocendi facultate privaretur, neque tamen nova significatio δλέθρου ἄξιος aliunde incomperta fingeretur necesse erat. Sed αἰδηλος epitheto Homerus Melanthii audacem protervamque naturam designavit, quam cum alias Od. XVII 212—253 egregia descriptione expressit, tum hoc loco universe significavit: ἔν' ὑπερβασίας ἀποτίσῃ πολλὰς, δσας οὗτος ἐμήσατο σὺ ἐνὶ Φοίῳ.

Eo socio temeritatis utebantur proci, qui et ipsi audiunt μνηστήρων αἰδηλος ὄμιλος Od. XVI 29, utpote quorum mores audaces, violenti describantur XXIII 302, ubi Penelope marito narrat:

ἡ μὲν, ὅς' ἐν μεγάροισιν ἀνέσχετο δῖα γυναικῶν,
ἀνδρῶν μνηστήρων ἐσορῶσ' αἰδηλον ὄμιλον,
οἱ Φέθεν εἵνεκα πολλὰ, βόας καὶ Φίφια μῆλα
ἔσφαζον, πολλὸς δὲ πίθων ἡφύσσετο Φοῖνος.

iam antea coram Ulysse ut hospite conquesta Od. XVII 587:

οὐ γάρ πού τινες ὦδε καταθνητῶν ἀνθρώπων
ἀνέρες ὑβρίζοντες ἀτάσθαλα μηχανόωνται.

Illa igitur proterva turba, αἰδηλος ὄμιλος, erant αἰθῶνες ὑβρισταί (Soph. Ai. 1088).

Ut comparisonem inter αἰδηλος et θερμός synonyma institutam absolvamus, perinde ut homines, sic etiam eorum facta alterutro nomine designari consentaneum est. Θερμόν factum audax, temerarium, nefarium esse videmus ex appositis, quae scriptores coniungunt, ut Amphis ap. Ath. X p. 448 a: δρᾷ τι καὶ νεανικὸν καὶ θερμόν, et Aristophanes Plut. 415: Ὁ θερμόν ἔργον κἀνόσιον καὶ παράνομον. Attica igitur locutio θερμόν ἔργον una cum composito θερμουργός eximie illustrat Homeri Φέργ' αἰδηλα II. V 757. 872, quam dictionem posteriores poëtae epici mutuati sunt Apoll. Argon. III 1132. Orph. Argon. 17. 431.

Ita iam nulla superest difficultas, quam Buttmannus reperire sibi visus est in Hesiodi fragmento apud schol. Pind. P. III 48:

τῷ μὲν ἄρ' ἄγγελος ἦλθε κόραξ ἱερῆς ἀπὸ δαιτός
Πυθῶ ἐς ἡγαθήην καὶ ῥ' ἔφρασε Φέργ' αἰδηλα
Φοῖβῳ ἀκερσεκόμῃ, ὅτι Ἰσχυς γῆμε Κορωνίην.

Quod corvus Apollini nuntiavit, Ischyn Coronidi vim attulisse, non occultum, sed protervum facinus, id quod per contextum licet, intelligendum esse, et ex significatione αἰδηλος vocis multis exemplis comprobata cernimus et ex eadem potestate, qua Hesiodus αἰδηλα adverbii loco adhibuit Op. 754:

μηδ' ἱεροῖσιν ἐπ' αἰδομένοισι κυρήσας
μωμεύειν αἰδηλα · θεὸς νύ τι καὶ τὰ νεμεσσᾷ.

Ne forte sacris incensis interveniens

proterve conviciatus sis; deus nempe etiam id indignatur.

Ad similem μωμεύειν αἰδηλα verborum interpretationem, quam Buttmannus ingenii acumine ductus divinaverat, „in ludibrium impium vertere“ proxime accedit nostra explicatio:

„*proterve* vel *nimia cum audacia conviciari*,” qua nihil contextui convenientius dici posse videtur.

Adverbio utitur Homerus Il. XXI 220, ubi Scamandrum fluvium humanam speciem indutum Achilli nimiam in occidendis Troianis animi ferociam obiurgantem facit his verbis: σὺ δὲ κτείνεις αἰδήλως, *tu autem occidis ferociter*.

Reliquum est ut videamus, quo sensu Sophocles Plutoni αἰδήλον epitheton impertiverit Ai. 608:

τὸν ἀπότροπον αἰδήλον "Αιδαν,

invisibilisne an violenti sensu. Quanto significatio violenti saepe illa apud Homerum obvia ad Plutonis ingenium mortalibus infestum et inexorabile designandum praestet languidae illi scholiastae interpretationi τὸν αἰδήλον καὶ ἀφανῆ, nemo non intelliget, qui commentis insulsis neglectis propter praecedens ἀπότροπον (horribilem) fortius appositum quam ἀφανῆ requiri consideraverit memineritque στυγεροῦ "Αΐδαο Il. VIII 368 et

"Αΐδης τοι ἀμείλιχος ἦδ' ἀδάμαστος.

τούνεκα καί τε βροτοῖσι θεῶν ἔχθιστος ἀπάντων. Il. IX 158.

Sine ullo dubio Homerum, qui Minervam et Martem deos bellicos αἰδέλους Il. V 880. 897 audaces, violentos appellavit, imitatus est poeta ὁμηρικώτατος ¹⁾ ad Plutonis ingenium infestum violentumque nomen illud aptissime transferens.

Denique in epitaphio Smyrnaeo incertae aetatis C. I. Gr. n. 3328 αἰδαλος Τύχα Fortuna violenta, temeraria appellatur v. 5:

πέτρος ὅδε ξεινοῖσι βοάσεται, ὡς αἰδαλος

ἀσφαλὲς ἀνθρώποις οὐθὲν ἔνειμε Τύχα.

Hic lapis hospitibus clamabit, quam violenta

Nil Fortuna homini firmum ulli tribuat.

Auctorem antiquos poëtas inprimis Homerum imitatum esse delectus verborum epicorum, etiam in reliquis versibus conspicuus, arguit, quare illa eodem sensu accipi licet, praeterea interpretatio nostra veterum opinioni de Fortuna conceptae respondet, cuius Horatius quoque testis est Carm. I, 34, 14:

hinc apicem rapax

Fortuna cum stridore acuto

Sustulit, hic posuisse gaudet.

Postquam vocis epicae significationes iam inde a grammaticis Alexandrinis oblitteratas per vetustos poëtas perlustravimus, e re erit earum ordinem et rationem brevi hoc conspectu proponere.

Αἰδήλος vocabulo significatur

1. proprie: admodum ardens, flagrans, πῦρ αἰδήλον Il. II 455. IX 436. XI 155.

translate: ardens, fervidus, audax, temerarius, violentus, "Αρης Od. VIII 309. Il. V 897, παῖς ("Αθήνη) Il. V 880., Αἰδας Soph. Ai. 608., Τύχα C. I. Gr. n. 3328.

¹⁾ Lechner, de Sophocle poeta ὁμηρικώτατῳ. Erlangae 1859.

μνηστήρων ὄμιλος Od. XVI 29. XXIII 303., ἀνὴρ (Μελάνθιος) Od. XXII 165.,

Φέρρα Il. V 757. 872. Hesiod. fragm. ap. Pind. P. III 48. Tyrt. el. 8.

adv. αἰδήλα μωμεύειν, proterve conviciari Hesiod. Op. 754., αἰδήλως κτείνειν, ferociter occidere Il. XXI 220.

2. valde lucidus, clarus, conspicuus: τὸν μὲν αἰδηλον θῆκεν θεός Il. II 318.

Ἐ π η ε τ α ν ό ς .

Iam veterum de vocis epicae ἐπηετανός vi et origine sententiae diversae fuerunt teste Herodiano Epim. I 180: ἐπηετανός παρὰ τὸ ἔτος, ὥς δέ τινες παρὰ τὸ ταναός. Prior interpretatio *perennis, ad annum sufficiens*, qua ἐπηετανός una cum ἐπετήσιος (Od. VII 118 ἐπετήσιος καρπός) ab eodem etymo repetiverunt, redarguitur locutionibus Homericis γάλα ἐπηετανόν Od. IV 89, κομιδὴ ἐπηετανός ib. VIII 233 et λέβητες ἐπηετανοί hymn. Hom. in Merc. 61, quapropter G. Curtius (Zeitschr. f. Sprachvergl. I p. 34) aliud etymon requirens mediam illius vocis particulam *ηε* variam αἰεί adverbii formam et *τανος* suffixum esse suspicatur. At vero neque ex Homero, qui praeter unum αἰεί Il. XII 211 constanter αἰεί et αἰέν ac vocabulum ab eo compositum unum αἰεργενέτης praebet, neque aliunde *ηε* pro αἰεί vel αἰεί dictum esse compertum est, nec magis de suffixo *τανος* quidquam certi constat; denique interpretatione de aeterno vel perpetuo ad usum epitheti explicandum parum proficitur. Plus vidit Lobeckius. Qui cum Pathol. el. p. 435 opinionem a veteribus traditam, qui ἔτανος adiectivum ab ἔτος ductum fingebant, deserendam esse docuisset propterea quod adiectiva in *ανος* a nominibus generis neutrius in *ος* exeuntibus propagata non exstarent praeter duo longius exporrecta μηκεδανός et ῥιγεδανός, alteram originationem a veteribus propositam: ὥς δέ τινες παρὰ τὸ ταναός comprobavit significationem a perenni et perpetuo transferri ad continuum asserens et formam egregio exemplo Hesychii illustrans: διητανές, λιτόν, διατεταμένον. Etsi Lobeckius explicationem suam non omnibus partibus absolvit nec singulis locis collatis stabilivit, tamen quam apte continui significationem statuerit, iam primum ex eo animadverti potest, quod aut pluralia aut collectiva nomina voce ἐπηετανός copulantur et quod complures veteres commentatores, utricunque etymologiae adhaerent, in sola continui notione inter se consentiunt, ut Apollonius Sophista: ἐπηετανός (κομιδὴ Od. VIII 233), παρατεταμένη, συνεχής, Schol. Od. VI 86 (πλυνοί) ἐπηετανοί, πολλοί, συνεχεῖς, ὀλοχρόνιοι, Hesychius Ἐπηετανόν, συνεχές, ἀδιάλειπτον, παρατεταμένον διὰ παντός τοῦ χρόνου, δασιλέες. Iam vero ἐπηετανοί πλυνοί Od. VI 86, ἄρδμοί Od. XIII 247, λέβητες hymn. Hom. in Merc. 61 aptissime dicuntur scrobes (labra), aquationes, pelves continuae, in ordinem pertinentes vel dispositae, ἐπηετανόν γάλα Od. IV 89, ἐπηετανός σῖτος XVIII 360, —βίος Hesiod. Op. 31. Pind. Nem. VI 10, —κομιδὴ Od. VIII 133 lac, cibus, victus, cultus continuus i. e. copiosus. Maxime autem apud Hesiodum Op. 516 vis huius adiectivi cognoscitur, ubi singulis capris opponuntur congregatae.

καί τε δι' αἶγα ἄησι τανύτριχα, πώεα δ' οὔτι,
οὔνεκ' ἐπηεταναί τρίχες αὐτῶν, οὐ διάησιν
ἰς ἀνέμον Βορέου.

Atque capram tenuibus crinibus praeditam perflat Boreas, greges vero, quia continui eorum crines sunt, minime perflat. Ex quibus apparet capras intelligi agmine denso congregatas crinibus inter ipsas continentibus vel adhaerentibus a Boreae spiramine defendi. Hanc vocis significationem etiam vigere videmus apud Theocritum, qui id. XXV versu 20:

κείνη ὅθι πλατάνιστοι ἐπηταναὶ πεφύασιν

ne levissimam quidem dubitationem nobis relinquit, quin platani continentes sive continua serie dispositae intelligendae sint.

Qua significatione demonstrata cum hoc effectum videatur, ut ἐπητανός vocem epicam synonymis aequalibus ἐπασσύτερος et ἐπήτριμος adscribendam esse appareat, redimus ad formae explicationem, quam nondum omnibus partibus absolutam esse supra diximus. Quod enim Lobeckius principium ἐπιτανός in ἐπητανός additoque epsilo ἐπητανός productum esse statuit, mihi quidem ea ratio invertenda esse videtur. Exordium est ab integra forma ἐπητανός e tribus partibus composita (ἐπ-ηε-τανός), quarum quae media est ηε initium nominis Ἡετίων tenet et vim habet intensivam. Nam Ἡετίων proprie idem valet quod Πολυτίων, sicut illud explanatum invenimus in oraculo ab Herodoto memorato V 92, 2:

Ἡετίων, οὔτις σε τίει πολύτιον ἔόντα,

ubi verba πολύτιον ἔόντα „qui valde honorabilis es“ pro explicatione nominis Ἡετίων habenda sunt. Porro ἦε praefixum illud intensivum Ionica dumtaxat pronuntiatione varie affectum pro ἄε in Ἀετίων communis sermonis forma, in ἐπητανός iam apud Hesiod. Op. 607. hymn. Hom. in Merc. 113 synizesi conflatum, postremo iu ἐπητανός contractum est. Eodem modo ὑπερήφανος — Dorice ὑπεράφανος Pind. P. II 28, raro ὑπερηφανής Xen. mag. eq. 5, 7 — contractione ex ὑπεραέφανος evasisse facile est ad colligendum ex Hesychii glossa ἀεφανέων λαμπρῶν.

Iam si accuratius investigaveris, unde praefixum illud ἄε — Ionice ἦε — in nonnullis vocibus epicis obvia^{um} repeti possit, ab αἰ praefixo supra p. 5 demonstrato (unde αἰδηλος) vel ἄσι pristina eius forma (unde αἰσίχηρ et ἡσιχερ, v. ibid.) nisi ι vocali in ε mutata non differre facile tibi persuadebis. Pro ipso nostro ἐπητανός Hesychius ¹⁾ et Phavorinus formam ἐπησιάν, ἐπὶ πολὺ ἀνατεταμένον servarunt duabus quidem syllabis concisam, sed ex iisdem partibus ἐπ-ης-τιάν compositam, quarum media ης particula ad σ litteram, in quam desinit, voci epicae suo loco restituendam simulque ad hiatum explendum aptissima est, ut huius vocabuli apocopati ope speciem verbi magis primitivam repraesentare possimus ἐπησειτανός. Huius etiam priscam formam indagare licet ἐπασσειτανός, quam ob nimias breves syllabas ad epicorum usum produci ἐπη(σ)ε-τανός necesse fuerit ut ἡῦχομος, ἡῦγένειος. Iam media illa priscæ formæ particula ἄσε, quam coniectura assequimur, una cum praefixis intensivis ἄσι in αἰσίχηρ, αἰ in ἀτρέμας (tranquille) ²⁾ et Latino at in atavus eiusdum originis est atque Sanscrita praepositio ati, quae cum radi-

¹⁾ Pro eo quod legitur ἐπισιάν scribendum esse ἐπησιάν et series litterarum, cum antecedit ἐπήσκηται, et Phavorinus docet.

²⁾ Idem vocabulum est quod ἡρέμας praefixo producto et τ eliso paullum varians, cuius radicem ῥεμ G. Curtius in lineamentis etymologiae Graecae p. 289 cum radice Sanscrita et Lituanica ram simulque utriusque propaginibus bene comparavit.

cibus verborum composita significat *supra, trans, ultra*, cum nominibus composita intensivam habet vim *valde*, ut *atigívas, valde vegetus, vivax*. In ἐπ-ασε-τανός (ἐπηετανός) autem ἐπί et ἄσε praepositiones propria vi servata cum verbi τείνω radice ταν coniunctae res designant in adversum ultraque directas sive per ordinem ita pertinentes ut alia alii succedat, quae res continuæ sunt.

Iam I. Bekkeri aut eorum, quos secutus est, coniecturam ἐπηετανός reprobantes vel volgata lectione libentius acquiescimus, cum iam per Homeri carmina sibi horror latius pateat, quam ut ἐπηετανός, ἀσίδηλος primarias formas quamvis certo exploratas in textum inductas probemus. Sed grammatici est primordia verborum demonstrare, ut et conformatio accurate perspiciatur et vera significatio cognoscatur, quod utrumque si mihi contigerit eruisse, operae pretium fecisse mihi videor.

Huic simile nomen, cuius ἄς praefixum vel sermo communis retinuit, adiungimus

Ἀσπασίος.

Iam ex eo quod verbum ἀσπάσθαι (hospites) benigne excipere Od. III 35. XIX 415. II. X 542 pariter atque ἀγαπάσθαι Od. VII 33. XVII 35. ἀγαπαζέμεν II. XXIV 464 significat, ut hoc ab ἀγα, ita illud ab ἄς praefixo et communi utriusque verbo simplice πάσθαι etsi obsoleto coaluisse et duobus praeverbis ἄς et ἀγα pariter vim intensivam inesse colligere licet. Neque vero in coniectura subsistimus. Etenim adiectivum a priore verbo derivatum ἀσπάσιος, quo significatur *cum gratulatione exceptus* Od. IX 466. XI 431. II. X 35, *gratus*: βίσιος Od. V 394. νύξ II. VIII 488, *laetus* Od. XXIII 238. 296., a varia forma apud Hesychium servata: ἀεπάσιον, ἀσμένως χαίροντα sola ἀε praefixi intensivi specie differt, quam supra in aliis exemplis deprehendimus. Ut autem in ἐπ-ηε-τανός particulam mediam productam ex ἄσε vel ἄσι pristina eius forma repetivimus, ita ab hac vel propius abest ἀε species quippe non producta. Eadem igitur ratione ἀσεπάσιος prototypum statuentes volgarem vocis formam ἀσπάσιος post elisum ἄς praefixi intensivi speciem exhibere cernimus, quae transitum nobis parat ad explicandam vocem epicam quae sequitur.

Ἀάατος (Ἀάφατος).

Verbum ἀάω, quod universe et imprimis apud Homerum significat decipere, in fraudem et damnum iniicere, radice bisyllaba eaque intermedio digammate instructa Ἀφα progenitum esse, nominis ἀνάτη (---) pro Ἀφάτη scriptura apud Pindarum Pyth. II 28. III 24 demonstrat ¹⁾.

¹⁾ Eadem scriptura inaequali quidem penultima mensura exstat in poetae incerti fragmento, quod Schneidewinus attulit in Philologo III, 2, 381 τὰν ἀλόρεστον ἀνάτην (---). Verbum inde derivatum, quod Hesychius servavit, ἀγατιάσθαι βλάπτεισθαι et ἀγάτημαι βέβλαμμαι (augmento perfecti omissis) haud dubie γ pro φ ut in multis exemplis apud Hesychium scripto, quae egregia est coniectura Ahrensii de dial. Dor. p. 55, eadem qua eius principium ἀφάτα scriptura ἀφαιᾶσθαι, ἀφάτημαι repraesentari par est. Postquam digamma evanuit, ad αἴτη nomen iam apud Homerum contractum se applicuit verbum derivatum αἰτιάσθαι Soph. Ai. 269. Ant. 314.

Idem cum a vocali incipere appareat, negativae particulae forma nisi integra *άν* ei praefigi non potest, quemadmodum apud poëtas tragicos *άν-ατος*, ab *άτη* contracto compositum, scribi videmus Aesch. Suppl. 356. 359. Soph. Oed. C. 786. Itaque mirum est quid acciderit Buttmanno, qui in Lexilogo I p. 230 *άάατος* vocem Homericam tamquam negatione instructam *illaesum, inviolabile* significare sibi persuaserit. Nec minus in eo labitur vir egregius, quod illam ab *άατός* ducit; neque enim *άατός* adiectivum verbale ab *άάω* formatum exstat, neque, si exstaret, eiusmodi significatio *violabilis* elici posset. *Άάω*, quod veteres per *βλάπτω* interpretantur, designat in errorem mentis vel fraudem et damnum iniicere, decipere, nunquam violare, laedere; *άΨάσθην* Il. XIX 136 *deceptus* vel *animo perturbatus sum*, *άΨάσάμην* ib. 137 (*άλλ' έπει άΨάσάμην και' μεν φρένας έξέλετο Ζεύς*) *in amentiam incidi*. Iam in sensum *άΨατος* epitheti Homericique inquirentes a versu Il. XIV 271 exordimur:

Άγρει νύν μοι όμοσσον άΨατον Στυγός υδωρ,

ubi scholiasta Ven. his verbis: *τό α και στέρησιν και έπίτασιν δηλοί, ώς άβλαβές μεν τοίς ευόχοις, πολυβλαβές δε τοίς επióχοις* non dicit Stygis aquam violari non posse, immo a periuris posse significat, sed ambigit innocuamne eam dicat an damnosam. At vero cum *άΨατος* negatione explicari minime possit linguae legibus obstantibus quominus idem sit quod *άνατος*, solum restat ut *α* intensivo admissio Stygis aquam *πολυβλαβή* *damnosam* interpretemur ex mente veterum, quorum animo damnum sive calamitas a peccatore peierante extimescenda obversata esse videtur. Styx enim vocatur *δεινός όρκος* Il. II 755. XV 38., eius aqua *Στυγός όβριμον υδωρ* hymn. Hom. in Merc. 519, utpote unde in periuros cum deos, tum homines magna redundet calamitas. Hunc sensum diserte exprimit Hesiodus Theog. 231, ubi inter Eridis liberos statim post *Άτην* describit *Όρκον*:

*Όρκον θ' ός δη πλείστον επιχθονίους ανθρώπους
πημαίνει, ότε κέν τις εκών επióρκον όμόσση.*

Quae cum ita sint, iis veteribus commentatoribus assentimur, quorum sententiam Eustathius ad Il. XIV 271 litem de duplici *α* negativo dirimere periclitatus praepostere affert: *τινές δε δια τό άάτην τήν βλάβην λέγεσθαι άατον μέν φασι τό άτηρόν, άάατον δε τό πολυβλαβές*. In quibus quod *άατον τό άτηρόν* commemoratur, nusquam, quod sciam, legitur; quisquis illo usus est, vereor ne is ex alterius vocabuli tribus alpha duo contraxerit vel contracta acceperit; hoc vero *άάατον* interpretatione *πολυβλαβές* i. e. *fraudis plenum*¹⁾, *damnosum* rectissime ex *άάτη* et praeposito *α* intensivo compositum esse indicatur.

Hac veterum interpretatione, quae sola rationi grammaticae et opinioni de Stygis iuramento conceptae conveniat, ducti etiam reliquos locos apud Homerum facilius explana-

¹⁾ *Άτη* et apud Latinos *fraus* eodem intellectu pro culpa videlicet vel noxa et damno ferebantur, cuius usus solemnis exemplum prae ceteris insigne illud Horatii suppetit, qui Theognidis versum 204:

ουδ'ε φίλοισιν

άτην εξοπίσω παισιν επεκρέμασεν.

Carm. I, 28, 30 initatur: Negligis immeritis nocituram

Postmodo te natis fraudem committere?

bimus. In Odysseae libri XXI initio Penelope procis certamen matrimonii sui proponit arcumque Ulyssis cum sagittis tradi iubet. Eumaeus et Philoetius pastores cum arcum intuentes desiderio domini perculsi fleant, Antinous eos increpat v. 90;

κλαίετον ἐξελθόντε, κατ' αὐτόθι τόξα λιπύντε,
μνηστήρεσσιν ἄεθλον ἀάφατον · οὐ γὰρ οὔτω
ῥηϊδίως τόδε τόξον ἐϋξοον ἐντανύεσθαι.
οὐ γάρ τις μέτα τοῖος ἀνὴρ ἐν τοῖσδεσι πᾶσιν,
οἷος Ὀδυσσεὺς ἔσκεν.

De certamine periculoso, dolores afferente, terribili cogitari non posse Buttmanno concedimus, sed multum abest ut illud irreprehensum dicere possimus. Ne levissimum quidem indicium usquam elicias, unde procos reprehendere voluisse certamen colligas, neque in verbo ἀάφατο significationem reprehendendi inesse ostendas. Cum vero ex certa notione vocis ἀάφατος verbis ἄεθλος ἀάφατος certamen significetur, *quod multum fraudis vel multum erroris habet*, sane eiusmodi certamen Antinous ipse indicat, causam, cur arcus haud facilis ad tendendum sibi videatur, eam addens, quod nemo inter omnes procos inveniatur qualis Ulysses fuerit.

Denique haec significatio egregie confirmatur altero loco, ubi Ulysses Antinoi locutione utens non sine irrisione Od. XXII 5:

Οὔτος μὲν δὴ ἄεθλος ἀάφατος ἐκτετέλεσται.

sensu haud ambiguo hoc dicit: *Certamen fraudis (erroris) plenum, a vobis desperatum, iam perfectum est.*

Ut ad vocis compositae partes discernendas revertar, ne ullam de iis dubitationem relinquam, reiectis ficticio isto adiectivo verbali ἀατός et α particula negativa ante vocalem (pro ἀν) illicita, quae Buttmannus praepropere admisit, iam ἀάφατος vocabulum ex α intensivo et ἀφατή compositum esse videmus eo modo, quo ἀάσχετος illo alpha praeposito intensivam vim rei *valde intolerabilis* accepit. Hiatus post α intensivum non originitus locum obtinuisse, sed abiecto demum eius sigma finali ortum esse, ex pristinis illius praefixi formis bisyllabis supra demonstratis ἀσι, ἀσε et vel maxime ex ἀς truncata forma in ἀς-πάσιος conspicua intelligi potest. Sicut in formis bisyllabis sigma inter vocales intermedium, raro ut in ἀσί-χηρ servatum, facile elidebatur in ἀϊ-δηλος, ἐπ-ηε-ταιός, ἀε-πάσιος, ita etiam truncata ἀς forma, quae ante consonas quidem duravit in ἐπ-ης-τάν, ἀς-πάσιος, ante vocales sigma abiiciebat: ἀ-άφατος, ἀ-άσχετος. Verum ex hoc quoque genere ἀς illud praefixum superstes est et usque ad infimam Graecitatis aetatem integrum permansit in Ἄς-ανδρος nomine proprio, quod pariter atque Ἀγήνωρ et nomen Sanscritum atipurushas proprie eum designat, qui *admodum vir* est. Ex quo servati ante vocalem praefixi ἀς exemplo insigni certe colligere licet etiam voces epicas originitus ἀς-άφατος, ἀς-άσχετος sonuisse. Sed sibili fuga magis magisque grassari coepit in sermonem Graecum, ut ἀς praefixum iam Homeri aetate non minus ante consonas, quam ante vocales, sigma amiserit et α intensivum nudum superstes fuerit in multis vocabulis ἀγλαός, ἀσπερχές, ἄξυλος, ἀτενής, ἀχανής, aliis, quae pleraque collegit Doederlinus in commentatione „de ἄλφα intensivo sermonis Graeci“ Erlangae a. 1830 edita, quam cum per bibliopolas nancisci non possem, vir illustris roganti mihi liberalissime transmisit. Itaque hunc li-

bellum grato animo legens atque relegens auctorem in congerendis exemplis per multos scriptores et grammaticos dispersis tanta cura ac diligentia versatum esse intellexi, quanta neque ante neque post eum neminem. Verum quamvis multa vocabula difficilia e tenebris ab illo eruta esse cognoverim, tamen rationem, qua vir doctissimus p. 24, sicut nostrates Unthier „sensu exaggerativo vel intensivo“ dicere soleant, ita Graecos quoque α privativum in verbis compositis sensu intensivo usurpasse arbitratur, veram esse mihi persuadere non potui. Lingua enim vernacula, quia eiusmodi adiectivis quidem, quae Graecis ab α intensivo compositis conferri possint, omnino caret, cum per se parum analogiae praebet, tum ipsius linguae Graecae diversa compositionis ratio obstat quominus α privativum et α intensivum confundantur; illud enim ante vocales pleniore αν forma semper, hoc nunquam scribitur, qua sola re ista de communi utriusque praefixi ortu opinio redarguitur. Peculiarem vero α intensivi originationem variae eius species in vocibus epicis conservatae arguunt, quae cum ad formam magis primitivam ασι et ατ (in ἀτρέμας) referantur, haud dubie simul cum praefixo synonymo Latino at in atavus, emollito in aduncus, adaeque, adsimilis, adfabre, adprobe, aliis cognatae, tamquam ultimam originem sibi vindicant praefixum intensivum Sanscritum ati (atigîvas, *vivax*; atigaras, *longius aetate protractus*; atidaivas, *deus potens*, al). Quibus fundamentis substructis Doederlini opus, quod parumper Lobeckii arietibus (Path. el. p. 33 sqq.) labefactatum est, stabilitum et hic illic resartum stabit, neque dubito, quin hic locus grammaticae, qui est de α intensivo, ubi uberius ac limatius, quam per temporis mei angustias fieri nunc licuit, tractatus fuerit, ab huiusmodi quaestionibus epicis novam lucem et accepturus et redditurus sit.

